



Ajuntament de Vielha e Mijaran

En Vielha 8 de mai de 2017

AMASSADI

D'ua part eth Sr. Juan Antonio Serrano Iglesias, Alcalde der Ajuntament de Vielha e Mijaran, assistit pera Secretària dera Corporacion.

Dera auta part era Sra. María Teresa Bayo Busquet, damb DNI numerò, ena sua condicion de directora dera ESCÒLA GARONA de Vielha.

MANIFÈSTEN:

1èr.- Que'era ESCÒLA GARONA de Vielha pendent eth Cors Escolar realize diuèrses activitats culturaus, entre eres era publicacion d'ua revista escolara damb format digitau.

2au.- Qu'ei volentat der Ajuntament de Vielha e Mijaran balhar supòrt economic as actiuetats culturaus que se hèn des dera escòla, e que se programen pendent eth cors escolar.

3au.- Er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada per Acòrd deth Plen deth dia 26 de seteme de 2007 e per Acòrd deth Plen deth 22 de seteme de 2014. Aquesta Ordenança establís en sòn article 10 qu'es subvencions poderàn autrejear-se directament en quauquì casí, entre es quaus se trapen aqueri enes que s'acrediten arrasons d'interès public e sociau.

4au.- Era Ordenança Municipau tanben establís que normaument er autrejament dirècte se formalizarà en un convèni.

5au.- Er Ajuntament de Vielha e Mijaran en objectiu de priorizar e potenciar era cultura en caplòc deth País.

Peth tot çò, convien eth present convèni e ar efècte establissen es següenti:

PACTES:

PRUMÈR.- Er objècte deth present convèni ei era collaboracion entre er Ajuntament de Vielha e Mijaran e era ESCÒLA GARONA de Vielha, entara realizacion de diuèrses actiuetats culturaus pendent eth cors escolar.

DUSAU.- Qu'en marc d'aguesta collaboracion er Ajuntament de Vielha e Mijaran collaborarà damb aquesta escòla damb ua subvencion pera quantitat de 1.875€, damb cargue ara partida 2017-1-32301-48016-01.

TRESAU.- Era ESCÒLA GARONA serà eth responsable de tota era programacion e organizacion des activitats entàs quaus s'autreje aquesta subvencion.

QUATAU.- Era ESCÒLA GARONA justificarà ar Ajuntament de Vielha e Mijaran eth destin dera subvencion, e aurà de presentar es factures e es rebuts des pagaments corresponents,



Ajuntament de Vielha e Mijaran

auments per un impòr deth doble dera subvencion autrejada, tanben presentaràn ua memòria des activitat realizades. S'aurà de dar compliment a çò mercat en article 8 dera citada ordenança municipau.

CINCAU.- Sense perjudici de çò dit anteriorment, er Ajuntament de Vielha e Mijaran, e per miei dera Intervencion de Hòns Municipaus, a era potestat irrenonciable d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth Tèxt Rehonot dera Lei reguladora des Isendes Locaus.

SIESAU.- En toti es impresi e que s'editen damb referéncia ad aguestes activitats se harà constar ar Ajuntament de Vielha e Mijaran coma collaborador.

SETAU.- Eth present convèni aurà ua vigéncia entath cors escolar 2017-2018, e totes dues parts poderàn acordar pendent era vigéncia deth convèni era sua prorròga entà futurs corsi.

UEITAU.- Es parts signatàries d'aguest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

E en pròva de conformitat, ambdues parts signen eth present convèni per duplicat e a un solet efecte, e en lòc e data nomentadi.

JUAN ANTONIO SERRANO IGLESIAS

MARÍA TERESA BAYO BUSQUET

Alcalde

Directora dera ESCÒLA GARONA de
Vielha

Ath deuant mèn

PILAR HERVADA VIDAL
Secretària der Ajuntament